

第一輯

王春瑜 編

廈門大學出版社

中國稀見史料



嘉靖二十年十一月十五日奉

聖旨是

中國稀見史料

第一輯

王春瑜 編

廈門大學出版社

图书在版编目(CIP)数据

中国稀见史料,第1辑·第十三册/王春瑜编. — 厦门:
厦门大学出版社, 2007. 9
ISBN 978-7-5615-2748-1

I. 中… II. 王… III. ①古籍-汇编-中国②中国史-史料-明清民国时代 IV. Z422

中国版本图书馆 CIP 数据核字(2007)第 119514 号

厦门大学出版社出版发行

(地址:厦门大学 邮编:361005)

<http://www.xmupress.com>

xmup @ public. xm. fj. cn

厦门昕嘉莹印刷有限公司印刷

(地址:厦门市前埔东路 555 号 邮编:361009)

2007 年 9 月第 1 版 2007 年 9 月第 1 次印刷

开本:889×1194 1/32 印张:15.75 插页:2

定价:(全四十一册)30 000.00 元

本书如有印装质量问题请直接寄承印厂调换

一老中華障百川耄期矻矻守陳編那堪一掬憂時淚
灑向先師許鄭前

德清俞丈曲園太史樾著書五百餘卷甲辰重宴鹿
鳴文孫階青太史以戊戌第三人及第丈嘗爲余書
陶廬齋額並題公泉唱和集五古又陶廬續憶補詠
詩六絕句今年冬寄貽石印小像並近作詁經精舍
歌有云難將一掬憂時淚重灑先師許鄭前

李云廣陵止息
之遺可爲深慨

八表經營鎮海疆
鰕生何幸接餘光
春風大雅賓僚盛
嘉宴叨陪廣益堂

余從事兩廣幕府時督部爲南皮張香濤相國己丑
春初大宴幕僚余適于前歲臘杪奉檄卽促元旦入
署忝陪末座 家君鄭州捐振相國奏獎癸巳秋特
詣武昌以逸亭兄戰功政績列摺上呈蒙奏 准史
館立傳並附祀胡文忠祠

繆云不忘
南皮之游

偏隅文獻久消沈且喜叢編萃古今難得采風王祭酒
物華人傑數江陰

余輯刻江陰叢書長沙王益吾祭酒序云金君菽鄉
自常州郵其所刊江陰叢書見寄而屬序於余余之
蒞江陰也君方宦游粵東及君歸而余已受代去飫
聞君政事文學之美以不得見爲憾江陰爲縣居北
江尾閭鍵鑰海門涵法淳蓄孕靈育秀物華人傑茲
焉羣萃宋明以來賢達踵武以逮我朝極乎盛昌

中興而後金繆二氏允文允武爲一邑冠武功則湘
軍統領粵東按察使金公國琛文事以繆筱珊編修
荃孫及君爲宗君之嗜書出其天性至老彌篤而於
鄉邦文獻考索懃懃有如性命余觀所刊叢書自宜
齋野乘以次諸書上之原本道術根氏忠孝次亦足
資多識益文詞愛古存今旁搜曲護用心之厚長逝
者所託命也守一筆記篤慎燼餘澹庵自娛草詠烈
誦芬於以章詩禮之訓而發仁孝之思陶廬雜憶續

詠補詠暨赤溪灘江諸志記則履綦所到觴詠所留
一展卷而風土如親朋儕若接信乎文以足言泛應
曲當者也君子之生斯世在邦則邦蒙其澤在家則
家被其光崇本而茂末積小以基大斷無悖乎道有
補於人而已汶汶焉靡靡焉與草木腐耳世奚賴有
若人哉君與筱珊爲表兄弟而相親善奇賞疑析不
遠千里文章聲氣於斯爲盛書滿兩家名在寰宇視
昔人中表錄其榮顯久暫相去何如世有范宣子者

流我願以叔孫豹之言進之

李云大賢推挹
至此夫豈偶然

名臣遺著梓南菁賴有西河正學明自愧一斑刊指要
居然全集得觀成

余刊楊文定公經書言學指要一卷函呈毛實君學
使請其檄飭南菁學堂以存款重刻全書覆書略云
第少讀文定遺書輒欽慕其爲人今覩此篇雖存簡
不多而論學之旨已足藉窺厓略今執事以維桑之

恭將以全書重付殺青斯誠盛業曷勝欣躍夫莫爲之前雖美弗彰莫爲之後雖盛弗傳先賢著述其傳世行遠固來學之責文定佚編得足下爲之表章庶不致磨沒無聞亦官斯土者之大幸也況先時刊本久儲鄴架平及今不圖良爲非計重刻之費約在千圓來諭欲以南菁積資用謀剞劂屬弟介以一言當今異說響臻俗尙風靡誠得文定造述廣爲流傳上以脩明聖道下以挽救歧趨裨補世教定非淺鮮士

流誦習宅心既正收效必遠從者之聞揚者獻正爲
風俗人心寓其深意也

繆云全書業已刊竣而毛學使無序文
僅附刻公牘於後此函亦可以見梗概

水部欣聯翰墨緣廣陵遺響至今傳須知絕豔驚才筆
至竟論詩貴自然

余己巳年客江右有清江道中詩云榜人發清曉
棹行空江晨曦出復沒凌亂餘霞光山雲蓊然台林
壑皆蒼茫微雨隨風來十幅蒲帆張春寒一何厲酒

丞時任糧道各題詞卷中近年始彙刻行卷云 方伯工

詩兼及繪事所惠聯扇及烏石山房稿今猶弄藏

繆云灘江詩得干行役之暇名篇
警句美不勝收宜羣公之傾倒也

聞說高涼宦蹟多重逢尊酒且高歌論交嶺海稱才藪
耆碩英賢盡網羅

善化何鏡海觀察應祺西江舊雨也丙子入粵君方
權高廉道篆書問往還無虛月旋受代回省屢招文
樹臣觀察張延秋太史爲文酒之集其先有函云第

高涼持節職忝分巡地處偏隅愧無建樹延攬所及
時有英賢孝廉如蘭圃陳君爲之巨擘又有布衣于
晦若者博學能文胸羅全史年甫二十九未易才不
識執事均與有撫塵之雅否來翰索閱拙詩大正扶
輪本當就正但風塵鞅掌案牘勞形謝草江花風流
雲散筆墨束之高閣壯懷非復昔時矣高山流水重
遇知音則有不能藏拙者晴窗檢點得前歲除夕所
作者二十餘首塵之史席削其瑕疵切勿吝教云云

力尤能降擁被時復卧未敢推蓬窗但聞破浪聲船
底鳴淙淙何廉昉太守評云此種高唱唐以後人皆
薄而不爲務欲以才力相勝究之言情繪景均貴自
然著力便非佳作第昔人所謂十首以外語意相同
則亦詩人之一病也

廉昉太守壬申春日歿于揚州余寄輓聯云雲樹一
江分長懷水部高吟詩興纔聞動梅閣烟花三月暮
太息廣陵絕響歸魂還待主蓉城後卽歸葬江陰云

呂云絕豔驚才
亦何集定評

辭官高蹈作閒雲蘇軾歌詞總愛君歎息師門兼友誼
一篇感舊共論文

陽湖惲次遠侍郎彥彬子粵學任滿卽引疾不出時
與往還詩文不多作壬寅秋夜有感云月已西斜影
欲殘碧天如海望漫漫不知霜露清寒甚爲惜餘光
獨倚闌坐擁孤衾夢不成一燈如豆夜窗清寒蛩未
識秋將老露冷蒼苔尙有聲余謂卽東坡水調詞意

又爲余作毘陵三先生時藝序云余年弱冠受業於
馮惺甫先生之門其時吾郡多名師與馮先生相等
夷者爲許士珣先生而黃武香先生輩行稍前善古
文名尤著余以師馮先生故皆得侍而聞其緒論焉
三先生詣各不同而皆精於義理之學其教人也皆
粹然一歸於正不使流於俗尙受其教者莫敢或渝
然輒能掇巍科負盛譽而三先生卒皆不遇以諸生
終今三先生歿旣久舊時門人如晨星落落存者率

皆衰白余每欲葺三先生遺文以示後學服官京
師未之能及也甲午視學來粵東余舊友金粟香同
轉以所刻三先生文見示粟香亦受業於馮先生之
門而兼從兩先生遊者刻馮先生文僅數首兩先生
文僅數十首亦未必盡爲精詣所在蓋忽忽數十載
中更離亂散佚者多得此已如碎金屑玉彌足珍已
吾鄉自唐荆川氏而後績學能文之士繼踵而起乾
嘉之間最稱極盛大抵以古學相講授論制藝則必